

وقال شاهد عيان، هالحادسي خلتني إتعلق بكرم من زغرتي لأنو واجه برجالو عسكر الدولي اللي قرّر يلّم السلاح من الأهالي بالقويّ، كرم كسرو وأخدلو سلاح و زخيري كثير، يومتا نقتل بهالمعركي واحد من قرايب السر عسكر، كبرت القصا براسو وقرّر ينتقم من كرم الشبّ. حطّ جايزي كبير لى لكل مين بيحبو كرم طيب أو ميّت. لمن كرم عرف بالقصا، قام دغري ونزل ع طرابلس مطرح ما كان القايد العسماني. وفات عليه بجرءتو المعروفي. تعجّب الباشا لمن عرف إنو هادا كرم بزاتو وصعقتو هالجرء الغريبي. وقلّو:

- أكيد إنت يوسف كرم؟

- أنا هويّ.

- وكيف جيت لهون؟

- عرفت إنو دولتك حطّ جايزي لكل مين بيحبك راسي، أو بيحبيني لعندك طيب، هادا أنا بين

إيديك. فيك تعمل فيي متل ما بدك، واعطيه أمر إنن يوزعو الجايزي ع الفقرا.

- وشو اللي خلاك تتمرد وتوقف بوج عسكر الدولي؟

- القصا وما فيا: عرفت إنو عسكر الدولي جايب يشلحنا السلاح بالقويّ. ورح يعمل بمنطقتي متل ما

عمل بغزير وغير مناطق لمن تعدّا العسكر ع الأهالي وعاملن معاملي وحشيّ، هان الكنايس وحطّ

الكهني بمصول الكلس وعزّين. حبيّ لبلادي والنفور من الظلم قالولي ت أعمل اللي عملتو.

ندهش القايد من هالصراحا وعفي كرم ورجع من عندو مكرم.

Poujoulat بكتابو عن سوريا بيذكر الخبر بها الشكل. تأسر القايد من عزّة النفس والشرف اللي شافن

بهالزعيم الماروني الشب. مدّلو إيدو وصافحو عن إحترام وإعتبار، ولّمّن رجع ع بيروت قابل المير حيدر

قايـمقام المسيحـي قـلـو: تـلاقـيت بـكرم وشفـت فيـه الرـجال الكـلـو شـرف ونبـل. لـازم تـعـينو حـاكم عـ منـطقـتـو
بـس يـجي الـوقت.